


Selected Scriptures in Yipma/Wagamwa



Selected Scriptures in the Wagamwa dialect of the Yipma language (parts of John, 1 John, Romans, and Hebrews).

Selected Scriptures in Yipma/Wagamwa
Selected Scriptures in the Wagamwa dialect of the Yipma
language (parts of John, 1 John, Romans, and Hebrews).
Sampela hop long Nupela Testamen long tokples Ylipma
Wagamwa long Niugini

copyright © 2011 Wycliffe Bible Translators, Inc.

Language: Yipma/Wagamwa (Yipma)

Dialect: Wagamwa

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

PDF generated using Haiola and XeLaTeX on 18 Apr 2025 from source files dated 31 Aug 2023

83ddbbd8-cd0d-50af-8313-6fdd3ace43da

Contents

Soni	1
Romi	4
Yibiru	7
1 Soni	8
Godiyai	10

Yagaala Tewaanya' Soni yidabagesi.

Godiyarine Yagaalyai (Jisaasi) mwaarigerinesi.

¹ Sinyamwinyagaa' kigaakuna Kwaaga taba' myima'nyamwi Godiyarine Yagaalyai mwaryagewinwi. Nabaai, Godiyai mwaaragewinwi kaminyimwi Godiyarine Yagaalyai mwaari'. Gotiyarine Yagaalyai sagwai Godiyai.

² Sinyamwinyagaa' kunegaa' aayamwidaa'nyi Godiyalyi sagwai mwaribainyina yaagelyi.

³ Godiyai sara kyabwira' sagwai wiyangi sara wagagei. Aane piri' kiri' kami saba yima'naga' mi'. Aawa, sagwai wagagengi wiya sa.

⁴ Sinyamwi sagaa' sagwari kaalyabwi waragelyi. Kaala sabwi a'mwe wiyyaraabire Paagelyi. Yiniga sai a'mweinaabina kunya tewaanya yabwirya'ne nejaabinigeria. Kunya tewaanya yabwirya'ne wijaabina kaneya' paaga sabi nabyaa mwaindaanyaine. (Gidiyarina nabyaa yabwitaanyaine.)

⁵ Saburidaa'nyi siginya kayaa'nayaburi Godiyare paage' wannyina. Nabaai siginya sa' paagebi mwabilayinigesi.

⁶ Godiyai yabwi'na "A'mwera paagebi mwaaimbiga!" yabwiraga sinyamwi a'mweri widaasagelyi. Sai Soni (pabataajiyi yandei) widaasagelyi.

⁷ A'mwe sagwai saliguragi'nei pina. "A'mweraabi a'mwengi Jisaasi Paagerina wijaliguragana!" taga widaasagei pina. "Kadiga wi'napiji Naangeri limwagapiga!" tagei pina.

⁸ Soni kami sai Paagei mika! Aawa. "Paaga nabwi'nya sarina saliguragana!" tagelyira.

⁹ Tibi Paagei Kwaaga tabagi waraabaga a'mwe kajainajainaabina Paaga nebulya'nanyalyi. A'mwe wiyyainaabi kunya tewaanya yabwirya'ne nejaabandei.

¹⁰ Nabaai, Kwaaga tabagi sai pamwaaina ya'. Sinyamwi Godiyai kyabwira' sagwai Kwaaga taba' sara wagina. Sara wagina yaga pamwaaina kya' kiri' Kwaaga Tabagi mwaaryara kami sagwari myabwiramaarya'i yesalyi.

¹¹ Kamnya Anga Yijirelina pina yaga mwaaindaasi kamijiyara mamaaryi.

¹² Sara yina yeba mamaaryi kye' kiri' a'mwera pwara "Nebulyasira. Naangelyira," teba maarina ye'. Maarina kye' sai wiya saraabi kamnya tiraginyabwi wijaabina ya'. Kamnya tiraginya sabwi sagwara Godiyale kwaimiraayara yima'nyi'nebulyi. Kami sagwarinaji kamire yeyabinaji limwagatibusaraabinebulyi. Yi sagwara mudigera yima'nyina ye'.

¹³ A'mweraabire yijabagaabidaa'nyi tawengina mudigera myima'nyina. Aawa. Kiraagejigiya sindujaburi mudigera myima'nyina. Aawa. A'mweraabire tiraginyabi mudigera myima'nyina. Aawa. Godiyai kebwi yabwi'na "Sagwara nimire kwaimiraayara mudigeraabi yawaginiimal" kada' yima'nigabinigengi.

¹⁴ Godiyarine Yagaalyai a'mwe kiraa'nagei yima'nyina yagei neminyimwi kamnya seli ange' yiradaakuna. Kamire kiraagejigi wiramwaaina yina yandaasi tinya tara wangano' "O, Nabwi'nyai tiraginaangei taagal!" Sara tandaan kamire paagebi tinya wangano. Kanimaangeridaa'nyai kambei yamaginarigabaaimbita paaga sasi. Sagwari yuneba yanga kaimwangebulyi nebulyabulyi maanga yegu'nigelyi.

¹⁵ A'mwe Soni kaminyina nejaliguraganda saga tara tanganna "A'mwe tajarina yinggidelyi. Nimi Godiyale yagaala kyinggaidimwa tibiya pwai poji yinggidibwaagadei Naangelyi. Nimi sagwainyi migi! Nimi maarigeinyira/wabeinyira. Nimi myima'nyagaa' kuna mwaryage'a na Sinyamwinyalyi.

¹⁶ Sagwai maanga yegu'nigebidaa'nyi nemi wiyyainaabina wana nabwi'nya nejaabandea'na tewaanna mwaaiago. Neminyi kamire yanga kaimwanggaimwange' nejaabanda nejaabinigelyi.

¹⁷ Sare' Godiyai kujaa' Ne Mojiji Godiyale Kimwinya tewaanya' wijaabina. Wijaabina neyinige' neminyimwi Godiyai Kiraajitiya Jisaasiri widasaabina. Widasaabina kyini' sagwari neminyina yanga kaimwangebulyi nebulyabulyi yima'ninige'nanyi.

¹⁸ Godiyari a'mwe Kwaaga tabagiyaina wangandaanyarina mi'. Aane pwai kwai tinya mwanganyi. Aawa. Godiyai, kambei kanimaangeryaba kusimadinna mwaarigei neminyi yibwaridaakwia neyigelyi.

Jisaasi neminyinbe paragarinesi.

²⁹ Mwanyigaa' Soni mwaaraga Jisaasi pageri tinya wanganaasina yaga a'mweraabi widina "Yidaanyi! Tajai Godiyale Sipijipiya timwinyara! Kayaa'nayanna a'mwera sipijipiyyari lamina yandibi' kwaraanyaba Godiyarina tiga nasi'na yandebaaimb'i sai Kwaagebagi mwaaryainaabire kayaa'nayanna marasisa'na paradelyi.

³⁰ Sagwarina yinggidandinyalyi. "Nimi pimeinyi, tibi a'mwei padelyi. Nimi myima'nyaga' sai kuna mwaaryaagalyi. Sai sinyamwinyai Naangalyi. Nimi wabeinyyira.

³¹ 'Pojiyai Naanga Kwarinera,' yabwirena kaminyi myabwiranganyainyi. Aawa. 'Sagwarina Yijireliyaraabi yibwaridaakwia'na yimal' tena pima. Aarya yinggyandinya (libamabandinya) sabi tara sabwiryinde' 'O, sai Naangai taaga!'

³² Soni tinya mena paiginaraga a'mwe Sudaayaraabi wijaliguragina "Sugunyabi Godiyalebadaa'nyi Kuryai Tewaanyai kwaamiryaimbisai waraabina yaga a'mwe sari mwaaribaingari tinya wanganerina.

³³ Sinyamwi kaminyi myabwiranganyainyi. Aawa. Pabitaajiyi'na nyidasaabagai sagwai nyinda' 'Tibidaa'nyi tara tongandeiginyi. Kurya Tewaanyai a'mwe pwari pwaramwaaina yaja' wanganakiji tara sabwite' "Ai, sai a'mweraabina Kurya Tewaanyari yanga wijaabadei taaga!" Kimi aaryabi pabitaajiyi' side' sai Kuryari pabitaajiyi' yadelyi."

³⁴ Sara widina nyage' tinya nabaya wangameinyi yinggaaliguraga'baiga. Sai Godiyale Kawaaribaangalyira."

3

¹ Sudaaya pwara Perijigimwinya yandibi' mwaarina yebe pwai Nikodimaajai wo'nigai Perijiyai mwaarina yagalyi. Sai a'mwe naangai Sudaayaraabi maremwaaindei mwaara-galyi.

² Mwaarina yaga sagwija piribi Jisaasirymwi pina yaga pamwaaina yaga widina "Widibwaagyaigi/ yibwaagyaigi 'Godiayai kidasimwaabigaigi pagina widibwaagya'na neyibaigi. Sare' tare'nesi. A'mwera wijiwaainyangi yibaigi. Tiraginya yibaigi Godiyai magigaimwagyaji kwaji sara myi kyidi' tiraginya tabwi', sara yabwi'mona."

³ Jisaasi sa'na widina/ma'maa'na "Naanga nebula'na kidibaiga. A'mwe pwai kwai ayagi mudigai myima'nyi yajai Godiyai maremwaara deba tinya mwanganyi yannelyi."

⁴ Nikodimaajai widina "A'mwe naangai mudigai yima'nya'na kadara yoji/ yaji yima'na hadelaga? Pigasaai a'mwei kanaangebi munyawigi ayagi'j wi raminyina kyaji kanaainge' kadara maara delaga ayagwara?"

⁵ Sai sa'na widina "Naanga nebula'na kidibaiga. Kurya Tewaanyai a'mwe pwari aari myi kyaji mudiga mwimwaaiygi kyaji sai Godiyale maremwaaindeba wiradei migai!

⁶ A'mweraabire kwaimiraabyai migwi'naga yaginnagalyi. Godiyale, kamire munyawigi Kurya Tewaanyai puramwaaina kyaji sai a'mwe Godiyale Kuryai kininnagalyi mudigai.

⁷ Kidime'na "Semi mudiga ayagi sima'nyira!" kidime'na atiga maru'nata myinnera!

⁸ Yigwija kami sa' kaanna wina yandebaaimsasi. Yigwija' kadiga wi'nandinyaigi "Samwinna wawade' taaga? Sabadaa'nyi pade' taaga?" Tandinyaigi mi'. Aawa. Sare'na Godiyale Kurya Tewaanyai kajaijare munyawigi pwiramwaaina yinigai mudiga yima'ni'. Mudigai tewaanna yanda a'mwera tinya wangamaaigya'. Kumi mwangamaaigya' aaya kaabilabi.

⁹ Nikodimaajai ma'maa'na "Nyindimaanya' kadara yima'ninigabaga?"

¹⁰ Sai widina "Yijireliyainaabire nedibwaagandinyaigi sabwi myabwiramaaryiginyaigi taaga?"

¹¹ Naanga nebula'na kidibaigo. Nabaya yabwiramaataanya yabwitaat yinggaidibaigo. Tinya nabaya wangandaanya yinggaidibaigo. Sara yinggaidibaigo'na nemire saliguragyabi mamaa'maigyasalabilyira. Sabwi kadiga myibaigya sa' pe'na yibaigya?

¹² Kwaaga tabagi yinigangina kynggidimwija' kara tilimwagyindelabiraga!

¹³ Sugunyabina yiraawagai a'mwei pwai kwai migai. Sugunyabi A'mweraabine Kwaimiraabyai mwaaraga sabidaa'nyi sai yimbei waraabaa'."

¹⁴ Kigaa' a'mwamaayaba Ne Mojiji kwaari'makamaala' yijabi pwiyaga widaakuna yaa'. Kamaayi makyirayaagabaa'nyi yijabi tamagya'na A'mweraabine Kwaimiraabyari sagibaa'nyi makyimbitelyira.

¹⁵ Sagwai "Kajaijai nyilimwagaraji kaala wi yagaa'nebwi maarana!" kadaji sara makyimbitelyira.

¹⁶ Sare' tare'nesi. Kwaaga tabagiyainaabina Godiyale kare naanga kwia' Godiyai neminyina kawaaribaanga yimberi nejaabagalyi. "Kajaijai sagwari wilimwagaraji myiwawanna! Aawa. Kaala wi yagaa'nebwi maarana!" taga nejaabagalyi.

¹⁷ Sare' tare'nanyi. Godiyai tina "Nyibwaaribaangai a'mweraabi kota'na maaryawibwaredela!" majaga myasaabya'. Aawa. "Nyibwaalibaangari a'mweraabina padaigasamaaja yima!" taga kwaaga tabagi yasaabina ya' Godiyai.

¹⁸ Kabwaalibaangarina limwagaja pwari Godiyai kota'na maaryawibwatei mi'. Malimwagyaja pwai kota'na mena yawibwa'nigalyi. Godiyale Kawaaribaanga yimberina kamire yeyabinaji malimwagaryaja'na kota'na mena tinigesi.

¹⁹ Kotiya'na tara tini' "Nemire kwaaga tabagi pwai nebula' nedibwaagaga'na Paagei waraabina yaga kiri' a'mwera kayaa'naya yandibisara kayaa'nayabwi siginyaburina wibwi'nagare. Paagerina wibwi'nagara mi'. Sare' tare'nesi. Kumi yandibisa kayaa'nayangira," sare'na tinigesi.

²⁰ Sare' tare'nesi. Kajajai kayaa'naya yandei Paagerina simliga wimanigai Paageryimwinna mabyi yibani". "Paageryaba pwara nimire kayaa'nayabwi nanyangambiga!" taga mabibani".

²¹ Sara yandaasi kiri' pwai nebula'na tewaanna yandei Paageryimwinna nabaya pibani". "Paageryaba kwawa'muji pwara yabwisa'na 'Godiyari wiya sa tewaanna sibaniga!" taga kaanna pibanigalyi.

³⁰ (Soni libamabya yaagai wijaa'.) "Kami Naangei nyabilabigalyi. Nimi naangeinnyi myima'nmwineinyyi. Nimi wabeinyyi yima'nmideinyyi," widina ya' Soni.

³¹ Munyabadaa'nyi tiraginyai waraabagai wiyainaabi newabilabigalyi. Kwaagebagidaa'nyi pwaina Kwaagebagiyaina kwaagebagiyabwi widina, kwaaji kwaaji yagaala widina yandaanyaine. Sugunyabidaa'nyai wiyainaabi newabilabigalyi.

³² Sai Godiyaryaba tewaanyabwi tinya wangananggi kadiga wi'nagangi sangina saliguragina. Sare saliguragina kya' kiri' aane pwai kwai kadiga wi'naga kamire yagaala' mw'i'nya'. Aawa.

³³ Pwai kamire saliguragya' taapina yage' yi "Gotiyai nebula'nayai!" tiraginna tina ya'.

³⁴ Sare' tare'nesi. Sagwari Godiyai yasaabina kya' Godiyale yagaalangi widibwaagina. Sare' tare'nesi. Godiyai sagwarina kamire Kuryari wiijaabina ya'. Godiyai kamire Kuryari wabe'na wiijaabgarina mi'. Naanga wiyabwi wiijaabgarina. Godiyai kamire Kuryari yinagu wiijaabaga'na sai Godiyale yagaala' nayaa widina neya'.

³⁵ Kawaaribaangarinna Kanimaangari tewaanya wib'u'nanda yiraaya yanda tiraginyajyi wiyajyi mwangina yanda widina "Wiya timaremwaara!" widagarina.

³⁶ Kawaaribaangari nabaya limwagatei kaala wiyagaa' wiyagaa'nebwii kininnigalyi. Kwai Kawaaribaangari malimwagaradei kaalabwi tinya mwanganyi. Aawa. Godiyari sinya simiriga wiryabwi sagwari kuna wiwarigalyi.

13

Yagaagimwinya mudiga'nesi

³¹ Sarebidaa'nyi Sudaajai ya'ma'na yagagaa' Jisaasi widina "Tagaa' A'mweraabine Kwaimiraabyai paa'nigai yima'nmiga. Tagaa' kaminyina Godiyai paa'nigai yima'nmiga.

³² Kaminyina Godiyai paa'nigai yima'najai A'mweraabine Kwaimiraabyari paa'nigari wimwaaigadelyi. Yime'nyapi' paa'nigari wimwaaigadelyi.

³³ Nimnya kwaimiraabyalabi, tibi wabegaa'/wibegaa' seminyaba kuna mwaaigeinyyi. Pirina yapiji kiri' Sudaayaraabi widimwatebaaimbi' tagaa' yinggidibaiga. Nimi wimwijamwi tiwindelai mi'.

³⁴ Yagaagimwinya mudiga' yinggijaabaiga. Singgya'mweraabina tewaanya yinggibu'nana! Niminyi seminyina tewaanya nyib'u'nandebaaimbi' seminyi singgya'mweraabina tewaanya yinggibu'nana!

³⁵ Semi sara yinapiji saburidaa'nyi a'mwe wiyyara seminyina yabwi'na 'Sagwara Jisaasilerera.' Yi seminyi wib'u'nyabwi waraja' sara yabwi'na yinggyipitelabilyira."

Romi

¹⁶ Yo, sare' tare'nesi. Nimi yagaala tewaanyabina wagila manyibwa'nyandeinyi. Sare' tare'nesi. Yagaala tewaanya sa' kajarajara limwagapijaraabi Godiyai wibadaigasamaarya'ne sa' Godiyare tiraginya ti'nagesi. Tiraginya Sudaayaraabidaa'nyi nabaai Sudaayara mamwaaryigasaraabiji wibadaigasamaarya'nesi.

¹⁷Sare' Godiyare pugwyabi tara tinigabaaimbi'nanyi, "Pwai Godiyari limwagate sarerina 'Yida'maraangeri wimwaaigimwa,' tojiyi wiyagaa' kaala mwaaradelyi."

3

"Wiyagaa' a'mwe aane pwai yida'maraangei mi'," tinige'nesi.

⁹ Yi kadatarebinyaga! Nemi Sudaayaina a'mwe pwaraabi wabilabaanneina tigaga! Aawa nebulysasi. Sare' tare'nesi. Nemi sidasa'na tibi'na timwo "Yi wiyaina wagilyabi kwaagemwi mwaagoinera Sudaayainaji Anga Pimaginya (Kirikiya) kwaraji."

¹⁰ Sabaaimb'i tara tinigesi.

Godiyaryaba yida'maraanga aane pwai kwai mi'.

Arigemwinyi. Aane pwai kwai mammaaryi'.

¹¹ A'mwe pwai simunyu wiwarigei mi'.

Godiyarina pwai piribiryu yibanigei mi'.

¹² Yi wiyara Godiyari yagary'a'm'a mwaasare.

Wiyara yiragureba waryaanyara yima'nimwaasare.

Nabwi'nyabwi yande aane pwai mi'.

Sasarei aane pwai kwai mamwaaryi'.

¹³ Taarisabidaa'nyi kireburidirinyabi newinibaniga widandibisare.

Taarisasi kwaajji yagaala widandibisare.

Naawinaanyale kwaaminya' a'mweraabi tamagandebaaimbi'

Yagaala nabinabinya kayaaga yigalya'ne widandibisare.

¹⁴ A'mweraabi kayaaga tiraginna yigalya'ne

Yagaala kayaa'nayanna paasiyagaala widandibisare.

¹⁵ Yigwikaannagera a'mwe tamya'nera

Yarai kaanyibe'na yamaryandibisare.

¹⁶ Kayaaga yigalagy'i'nera wina yadibi'

Taanginya kwaraarya wijaayi'nera wondibisare.

¹⁷ Kwaamu'nanyaburine nagary'a yabwiramaatibitara mi'.

Pwaraji abaaijimunyabwi ye'mwannamwaaindibitara mi'.

¹⁸ "Godiayai Naangelyira," myabwiryi yandibi' Kumire tinyaraabi Godiyarine ligebwii mwaryiga.

Godiyale pukwyab'i sara tinigengira.

¹⁹ Nabaai sara tinigenna nemi yabwi'mwo. Wiya Kimwinya tinige nemi Sudaayaina saburi talaangemwi wira'nata yigoina sara ya'ne tinigengi. Sare' kiri' Sudaayainaabina tajabwi yinggidimwebwi yiwtawagya warigesi. Sarebidaa'nyi Godiyai yawibwata'negaa' nemirebwina "Sudaayaraji maanga pipaina yipiga! Nabaai a'mwe wiyamwinyara niminyina yiwtawagya sabwi kininnagera mwaaimbigal' taga Kimwinya kininnigeinaabi talaangemwi nemaarurawagageine.

²⁰ Sare'na tarebinyi. Godiyale yawibwata'nebwina Kimwinya saburi midinyabina "A'mwe yida'maraangeiginyi. Ni'mireiginyi," Godiyai kira'a'naga aane pwari kwari widade' mi'. Aawa. Sare' tare'nanyi. Kimwinya sabwi nemire wagila saburi yine'na neybwaridaakwibaniigesi sagiri'na.

A'mwei Kiraajitiyari limwagajai yida'maraangei yima'nade'nesi.

²¹ Nabaai tagaa' Godiyai a'mweraabi kamire yida'maraanga sabwi kaminyi yida'maraangeraab'i wimwaaigya'nebw'i wi'na neybwaridaakwagebuli. Sa' kimwinyaburaab'i midinya'nebidaa'nyi myima'nyagesi. Aawa. Sa' piribi yima'nagesi. Kiri' pigarigurya Kimwinyasi wi'hawidibwaagyaasaraabire tinigesi nabwi'nya yida'maraanga tajabwina salikuraginigesi.

²² Yi Jisaasi Kiraajitiyari limwabijaraabina Godiyai "Yida'maraangeraab'i nimireraabi wimwaaigima!" tadelii. Yi limwabija wiyaraabinesi. Sare' padaigasamaasabwi tare'nesi. A'mwe Sudaayarebwi nabinyabwi mi'. Anga naanga pimaginea pwai kwarebwi nabinyabwi mi'.

²³ Sare' tare'nesi. Wiya a'mwera Sudaayaraji anjimya wiyangiyaraji wagilya'nebw i yandibisare. Godiyai paaga tiraginyasiyaryaba menyaba mwaagisare.

²⁴ Sasarerabi Godiyai yange'na tewaanna wigaimwanda Kiraajitiyi Jisaasiri kamaryasaaba' sagwai ayagi mubya yamaary'i'nei sara kya' Godiyai "A'mwe yida'maraangelalyira. Nimirelyira," widina. Sa'na sagwara mamubyandibisare. Sa'na Kiraajitiyi sigumalesi.

²⁵ Sinyamwi Gotiyai Kiraajitiyi tagilagagei paraga kamire tawe' a'mweraabire wagila sa' mumbya'ne' waraabagesi. Gotiyari a'mweraabire wagilyabwina sinya tiga widatabuli. Kiraajitiyi limwabijaraabina sinya tiga sabwi mumbamaaras'i'nya'nei paragelyi. Yi nabaaai sasare saburi Godiyai "Nimi yida'maraangeinyyi yida'na yandinyaainyi," neyibwaridaakwagebuli. Sare' tarebinyi. Kigaa' Godiyai kwaamu' kabe yemwaainda a'mweraabire kayaa'nayanna yeta sabwina wanganagina.

²⁶ Kiri' "Godiyai yida'maraangei mig!" nadipindiga!" taga tadagaasagaa' Godiyai "Nimi yida'maraangeinyyi yida'na yandinyaainyi," taga sara neyibwaridaakwia'nei Kiraajitiyi maryasaabagelyi. Sasare saburi Godiyai kami sai yida'maraangerina neyibwaridaakwanda yi a'mwe wiyaraabinei Jisaasiri limwagajarina "A'mwe yida'maraangelyi. Nimirelyira," tandelyi. Yi wiyaraabi wilimwabijaraabi sara widandelyira.

²⁷ Sarebidaa'nyi Godiyai "Yida'maraangelalyi," nedage'na yi nagarya' a'mweraabine yeba makyirya'nebw kaba wariga! Yi wana aawaawa. Nagarya sari' kaanya mena lig'inigesi. Nagarya tajarigi peri' tagarigi'nari? Godiyale Kimwinyaburi midinya sabi tigaga? Aawa. Sabina mi'. Aawa. Kiraajitiyi limwanga saburi sagiri' nagarya sarigi kalalimwaman'i.

²⁸ Sare' tare'nesi. Nemi tiraginna tara tandaanyi "Godiyai a'mwei Kiraajitiyi limwagajari tibanigelyi 'A'mwe sai yida'maraangelyi. Nimirelyira.'" A'mwe Kimwinyaburina yaamiji yune midinajarina Godiyai sara majandelyi.

²⁹ A'mweraabine yeba mamakirya'ne' pibwi tariga? Tare' sabwiriyila! Godiyai sai Godiyai Sudaayaraabinannei taaga! Anjimya wiyangiyarajiyaraabine Godiyai mindaaga! Yayo! Godiyai sai anjimya wiyangiya pwara kwaraabijinelyira.

³⁰ Godiyai kambe pwaina Naangelyi. Sarebi Sudaayara kiraageji' kurya tatibisara Kiraajitiyi limwambijaraabina "Yida'maraangerera," tanda nabaaai anjimya wiyangiyara kiraageji' kurya madabyandibisara Kiraajitiyi limwambijaraabinaji abaaina tibanigelyi.

³¹ Sarebidaa'nyi limwanga tajabi yida'maraangeina yima'nandaanya'na Kimwinya sabwi tadaidibaimaigona? Arigemwinyira. Aawa. Kimwinyabwi nebulya'na yida'na maridaakwia yibaigo.

8

Kiraajitiyi kayaa'nanya nemaarasita Kurya Tewaanyari nejaabanige'nesi.

¹ Sarebidaa'nyi yi tagaasagaa' Kiraajitiyi Jisaasiri wiramwaaigasaraabina yagaala yawibwata'ne sidata'ne mwaryi'.

² Sare' tare'nesi. Kiraajitiyi Jisaasi yagebi Kuryai kaala kijaabanderebwi kayaa'nayabulyi yune naanga paryabulyi saburaai mena wila kyitalamaara'.

³ Yi sare' tare'nesi. A'mweraabire kiraagejigya yabwita sabina kimwinyabwi yi'neina waryaanyaina mwaago'na Kimwinyabwi kayaa'nayaburi padaigasama'a'na myi neyannebuliyira. Sara myi yande' Godiyai sara yagesi. Godiyai kamnya Kabwaalibaangeri maryasaabagelyi. Sarei a'mwe kayaa'nayaimbi' kiraajinigei yima'nagelyi. Kami a'mweraabire kayaa'naya pwaramarasi'nyi'nei waraabagelyi. Yi a'mweraabi kayaa'nayabwi wirarigeburi Godiyai sida'na kya' Kiraajitiyi a'mweraabineba kayaa'nayanne tibigita'na paragelyi.

⁴ Godiyai neminyina "Sagwara kimwinyabwi taginiga yida'maraangengi yuna yandibisaraabi wimwaaigimal" kada' sara paragelyi. Sareina a'mweraabire kiraagejigya yabwita sabi kaanya myamaranyaandaanyi. Aawa. Nemi Kurya Tewaanya sari kaanya yamaryandaanyaabinesi.

⁵ Sare' tare'nesi. A'mwera a'mweraabire kiraagesiyara kumire simunyangi kiraagejigiyanna yabwiririgitibisare. Nabaai Kuryaryiyara kumire simunyangi Kuryalenna yabwiririgitibisare.

⁶ Sare' tare'nesi. Kiraagejigya simunyangi a'mwe sara yune naanga paryabwi Godiyarina kimaja yiремваaryabwi maa'maigasare. Yi nabaaai Kurya Tewaanyale simunyangi a'mwe sara kaalyasi simunya kwaamu'nayasi maa'maigasare.

⁷ Sarebi kiraagejigiyi yabwita sa' simunyangi maremwaarajara Godiyale yigamaangera yima'nimwaasare. Kiraagejigiyi simunya' Gotiyarina yigamaangesi. Sare' tare'nesi. Sagiri' Godiyale Kimwinyabi wira'nate' mi'. Tare'nesi. Yi nabaai sagiri' sara yiniga yanne' mi'.

⁸ Kiraagejigiyangi mwaaindibi' a'mwe sarera Godiyari yiraaya wigary'a'nera mamwaaryi yipinere.

⁹ Semi kiraagejigiyangi mamwaaryiga'. Aawa. Godiyale Kurya Tewaanyai seminyi wirayinggimwaaindori Kurya Tewaanyari wiramwaaigasalalyi. Nabaai, yi pwai kwai Kiraajitiyale Kurya Tewaanyai maayai a'mwe sai Kiraajitiyalei mi'.

¹⁰ Nabaai Kiraajitiyai seminyi wirayinggimwaarajai yi piri' taresi. Kayaa'nayabwine'na semire kiraageji' paradejigira. Yi piri' taresi. Seminyina Godiyai "Yida'maraangelai nimirelalyi," mena yinggidage'na Kuryai kaala mena yinggimwaaigagelalyi.

¹¹ Godiyai Jisaasiri painigeraabyamwi yidigaabagere Kuryai seminyi wirayinggimwaaindanari Kiraajitiyai Jisaasiri paryari yidigaabagei semi parapijiyaga'a' semire kiraagejigi kaala yinggijaabadelyi. Kuryai seminyi wirayinggimwaaindebi kiraagejigi kaala yinggijaabadelyi.

¹² Yi sarebidaa'nyi, nya'mwelai, nemi tibigita wijaabya'ne kininnageine. Tibigita sa' Kurya Tewaanyari mwaaryi'nesi. Kiraagejigiyi yabwisangina tibigita aawa. Nemi kiraagejigiyi yabwisangina mwaaryi'ne tibigita mwaryi'.

¹³ Sare' tare'nesi. Semi kiraagejigiyi yabwisangina mwaaimbjia' yi semi yune naanga tibaryira. Kiri' Kuryale tiraginya semi kiraagejigiyi yabwisa ya tamagipi'ja' yi kaala timwaaryindelalyi.

¹⁴ Sare' tare'nesi. Godiyale Kurya Tewaanyai kajarajaraabi wibwaridaakwibanigera yi sagwara Godiyale kabwaalibaangere.

¹⁵ Sare' tare'nesi. Semi Godiyarina liga ayagi ya'ne' karabujiwamwinyabi yinggyidiwigamaremwaara yinggyande Kuryari mamaaryesalyi. Aawa. Kabwaalibaangelari yinggimwaaigaga Kuryari maaresalyi. Yi sagwari, nemi Godiyari saga tandaanyi "Tataala! Nimwala!"

¹⁶ Kuryai kami sagwai nemire kuryaraji nemi Kiraajitiyari limwandaanyaabina tara saligurakibani "Gotiyale kwaimiraayalalyira."

¹⁷ Nabaai Godiyale kwaimiraayaina mwaraaja' Nimwai sare wiya tewaanya maraadeinera. Piri' taresi. Godiyale wiya tewaanya maraadeinera. Piri' taresi. "Kiraajitiyali paaga tiraginya' maraana!" tawaaji Kiraajitiyali taanginya ye'mwannamaraaja' Kiraajitiyai wiya tewaanya maarade ye'mwannamaraadeinera.

Pigarigurya' Yibiruyaraabinesi

Kamire Kabwaalibaangei tagebi Godiyai nedage'nesi.

¹ Kigaakuna kwala naangegaa' Godiyai kaminyi wi'nawidibwaagyaraabi simunya pininna piri' widina, pininna piri' widina. Yi sara kujaa' sagwara nemire Ne sinyamwinyaraabi simunya nabinabinya pibura wijaasara kwaaryare.

² Kiri' nabaai tagaa' aayagasa Godiyai yagaala nedage' kamire Kabwaalibaangei nedagesi. Sagwari Kanimaangele wiya maaryi'neri Godiyai mena tagilakagelyi. Nabaai Kabwaalibaanga sagwari Kwaaga tasi sugunya kirisi Godiyai yabigaryaaengeni.

³ Kabwaalibaangei sagwai Godiyale paaga tiraginyabi libamwaja naangelyi. Yi neminyi Paaga naanga nemwadandelyi. Sagwai Godiyari abaaina nebulya'nayalyi. Kamire yagaala tiraginya kininnige' tanda wiyangi tiraginya yibaimwanda wiya sarengi limwagatelyi. Kayaa'nayangine tibikisa tuimwagasita yi'ne' sagwai wamwinya yunebanna yi'mwannaga Kingiya Naangei munya kepeba mwaarigele aangajimagi tiraginigeba mwaara'.

Godyale Kabwaalibaangei enjeliyara mamaayaraabi wabilabigerinesi.

⁴ Kabwaalibaangei Kanimaangeri yebya tewaanya nawi'nyaange' mena maarage' yi mamaayaraabire yebyabi wabilabagabaaimb'i yi ssare sagiribi kami sai mamaayaraabina naanga nebulya'na yima'nagelyi. Yi sagwara sari kwaagemwi wira'nagasalyi.

⁵ Sare' tarebinyi. Sinyamwi sagaa' Godiyai mamaayarajiya aane pwai kwari tara mwija' "Kimi niminyi nyimbwaalibaangeiginyira. Tagaa' kimaamaangeinyi kimwaaiigmweiginyi." Kiri' Kabwaalibaangeri sara wida'. Yi sagwai mamaayarina ayagi mwija' "Kaminyi kanimaangeinyi yima'nimideinyi. Niminyi nyimbwaalibaangei yima'nadelyi."

⁶ Kiri' Kwaagebagi mwaayayaabyimwinna sagwai kamire aaya mudigwaimiraabyari makwaraabagegaa' sarei ta "Mamaaya wiya Godiyainyirera sagwari yiraaya nabaya maripiga!"

⁷ Nabaai sagwai mamaayayaabina tara ta' "Kamire mamaayayaabi yigwiyapisaraabi wimwaaigandere. Kamire widaayandibisaraabi titarisapisaraabi wimwaaigandere.

⁸ Kiri' Kabwaalibaangerina tara ta' "Godiyagi, wiyagaa' wiyagaa'ne kinginamwaaryabisabi timaremwaaiideiginyi. Kimire a'mweraabi kingiyisarisi yida'nanyabwina yawibwaramaremwaaindinyaiginyi.

⁹ Kiminyi yida'maraanga sabwina tewaanya kibu'nandeiginyi. Kimwinyangi kalajegibaryabwina similiga kwimwaarigeiginyi. Midininyabida'a'nyi Godiyainyikimire Godiyainyi yirewelilya' kidingeiginyi. Yi weliya taja' kiminyi yiraaya kyigalageiginyi.

Sa'mwera yibaiginyabaaimbi' yiraaya yibaigatara mi'."

¹⁰ Nabaai Kabwaalibaangerina tara ta' "Naangeigi sinyamwi Kwaaga tada' wagyaanyaiginyi. Nabaai sugunya' kimnya ajiraalyi yabigaryaanyaiginyi.

¹¹ Wiyabaabi yinagu kayaaga yinyina yadebaalyi.

Kiri' kimi aawa. Wiyagaa' mwaaindinyaiginyi.

Wiyabaalyi wiya piniji aya yima'nadengi.

Paaji'manya piri' aya yima'nyina yadebaaimbisangi.

¹² Yi yibija aya' ki'mwagakina yadebaaimb'i

Kimi wiya sangi tigi'mwagakideiginyi.

A'mwei paaji'manya yadaigamaa'na yandebaaimbi'

Kimi wiya sangi yadaigamaata sidengi.

Kiri' kimi yuna sana timwaaindeiginyi.

Kimire kwaramega' wi'na yiawawade mi'."

¹³ Pigaa'kigaa' Godiyai mamaaya tarajya pewar'i widagelaga!. Aawa. Kabwaalibaangerina tara tin'

"Kimi nimire aangasiri tiraginyaba timwaara!

Kiminyi talaangemwi wira'narya'nega'na yigamaangeraabi kwagimidegaa'nayi."

¹⁴ Aawa. Mamaayara yi sagwara kuryarerera. Yi kurya sagwara Godiyari widaayandibisare. Godiyai a'mwera kamire yuna padaigasamaaryi'neraabina kaimwagya'ne mamaayayaabi maryaa sandere.

Pigariguri Mudi'naya' Yidabagasi.

Kaalaburi Aaya Kaabilai, Godiyale Yagaalarinesi.

¹ Tarei sinyamwi/sinyimwi kigaakuna Kwaaga taba' myima'nyamwi aayamwidaa'nyi mwaryaagarinesi. Sareri Nedasaabandeina wi'midinoi kadiga wi'norina. Sareri nemire tinya wanganorina. Sareri yabwiranganorina. Sareri nemire aja mwanganorina. Sagwai Godiyale Yagaalai wiyaga'a neyagaalaa kaalaburi aaya kaabilarinesi.

² Kaalaburi aaya kaabila tajagwai ku'maayabanna yima'naabina kya' nemire tinya wanganorina. Tinya wangano'na nabya saliguraganda Yinggidandaanyi. Wiyaga'a wiyaga'a neyagaalaa kaalaburi aaya kaabilai kigaakuna Nimwaryi ye'mwannamwaaryaagalyi. Sare sai ku'maayaba neyijiwaainadaa'nyi sari tinya wanganorina.

³ Sagwari tinya wanganona kadiga wi'no sarina seminyi jinggidibaigo. "Nemiji abaaejimunya ye'mwannamwaaraana!" tona jinggidibaigo. Yibaai nemire ye'mwannamwaarya' taresi. Nimwaryi kamire Kawaari' Jisaasi Kiraajitiyari abaaejimunya ye'mwannamwaagoinera.

⁴ "Abaajimunya ye'mwannamwaarya'nebina yiraaya naanga yinebanna newarana!" tona yagaala taja' yida'maigo.

Godiyai Paagerenesi.

⁵ Yagaala ta' Kiraajitiyai kaneda' kadiga wi'nona jinggidibaigo. Sa' taresi. Godiyai paagebi aaya kaabilalyi. Sagwari siginya wabe aane piri' kiri' mwiwarigalyi.

⁶ Sare'na siginya kayaa'na mwaaindaa kwaaji taaja' "Sagwaryi abaaejimunya ye'mwannamwaaigeini," kwaaji yagaala tandaa yagaala nebwinia sa'neburi myibaigo.

⁷ Aawa. Paagebi tewaanna mwaaindebaaimbi' paagebi tewaanna mwaaraaja'na Kiraajitiyale pwaraji abaaejimunya se'mwannamwaaigo. Yibaai tewaanna mwaaraaja'na Godiyale Kawaari'baangai Jisaasile tawebi nemire kayaa'naya wiyabwi nemaaras'i'nanda tawe sagiri' kiriga neduimwagasi'nade'nanyi.

⁸ Nemi tinyina "Nimi kayaa'nayabwi kuneinyira," tinaaja' simunyangi kwaaji yabwitaanyainera. Sarebi nebula' nemire simunyangi wiranewate' mi'.

⁹ Nemire kayaa'nayanna saliguraginaaja' Godiyai "Kumire kayaa'naya maaras'i'nima! Kumire kirigisa'naya wiya, yi yida'maraangabwi maaya wiyaburi tuimwagasi'nimal!" taja' "Kayaa'naya maaras'i'nimideiniy," tiniga'na nabya limwannigai, yida'maraangai mwaarigai sara yadelyi.

¹⁰ Yibaai Godiyai neda' "Wiyalabi kayaa'naya yegasalablyira." Sarebidaa'nyi nemire "Kayaa'naya myigeiniy," tinaaja' Godiyarina tina "Sagwai kwaaji yagaala tandelyi." Nemi kwaaji sara taaja' kamire yagaala nemire simunyabi wiranewate' mi'.

2

¹ Nimire kwaimiraabya wabelabi, yagaala taja' pigariguri yinggidawasibaiga. Semi kayaa'naya myipine'na "Widi'bwaagima!" tena jinggidawasibaiga. Sare' kiri' a'mwe pwai kwai kayaa'naya' yaja' neminyine kayaa'nayanna Nimwari marewidandei mwaari'. Sagwai Jisaasi Kiraajitiyai yinda'maraangalyi.

² Sarei nemire kayaa'nayanna Godiyari sinya simiriga widebwu mubamaaras'i'nyi'nei paragalyi. Nemirennna yimbenna mi'. Aawa. Kwaaga wiya tabagiyara anjimyaraabine kayaa'nayannanyira.

3

Godiyale kwaimiraabyainaabinesi.

¹ Yidaanyi! Nimwai neminyine kare naanga wimagelyi. "Nimire kwaimiraabyara,' dima!" taga Kiraajitiyari limwandaanyainaabina kare naanga windeine. "Godiyainyre kwaimiraabyarera," tage' nebulasi. Kamire kwaimiraabyainera. A'mwe Kwaagebagiyabwinera Kiraajitiyarina myabwiresabina "Kamire kwaimiraabyarera," maneyabwiribaigya'.

² Nyibu'nanelabi, tagaa' nemire Godiyale kwaimiraabyaine. Tibi nemire pewarabisaina yima'naabadeinaabaga'? Sabi myabwiranganyaine. Kiri' nemire tara yabwi'maigo. Tibi sagaa' Kiraajitiyai ku'maayaba yima'naabadeega' kami sagwaimbi' yima'naadeine.

³ Yibaai sai tewaanyai kirigisa'naya kunei mwaarigabaaimbi' a'mwe kajajai sagwarina sara yemwaarigai Kiraajitiyarina tewaanyai yima'nibanicgalyi.

5

Jisaasi Kiraajitiyarina saliguragya'nebwinesi.

⁶ Tajagwai Jisaasi Kiraajitiyai aaryabi libamabya yabinesi kamire tawe' waraabaga paragabinesi Sugunyabidaa'nyai waraabaga'nanyi. Yine aari libamabya sabwinebina waraabagai mi'. Aawa. Aaryabinebwinaji tawebinebwinaji waraabagalyi. Kuryai nebuli aaya kaabilarine'na Kurya sagwai yagaala sa'na saliguragadelyi.

⁷ Saliguragya tabaai tasa warigannanyi.

⁸ Yi pwai Kuryai, yi piri' aarya', yi piri' tawe'. Tabaai tata sa yagaala yimbe piri'naya' salikuragadesi. Saliguragya sa' taresi. Jisaasi Godiyale Kawaaribaangalyi.

⁹ A'mwera saliguragipi' "Nebulasi," tandaanyi. Yidaanyi! Godiyai saliguragya' a'mweraabirebi wiwabilabigasi. Sarebidaa'nyi Kawaaribaangarina Godiyai nejaliguragande' nebulasi. Godiyale saliguragya tare'nanyi. Jisaasi Nyibwaaribaangalyi.

¹⁰ Godiyale Kawaaribaangari limwandei kamire simunyabi saliguragya sa' wiwarigalyi. Godiyarine' malimwagandei tandelyi "Godiayi kwaaji yagaala tandelyi." Godiyai Kawaaribaangarina "Niminyidaa'nyalyi," saliguragya' malimwagande'na tandelyi "Kwaaji yagaala tandelyi."

¹¹ Saliguragya taresi. Godiyai wiyyagaa' wiyyagaa'ne kaala'nebwine jaabagasi. Kaala'ne saburi kaabila' Kawaaribaangari wirawiwariga.

¹² Sarebidaa'nyi Kawaaribaangei kininnigei kaalya'ne sabwi kininnigelyi. Godiyale Kawaaribaangai maayai kaala'ne sabwi maayalyi.

¹³ Yagaala taja yinggidawasimaaba. Godiyale Kawaaribaangari limwandibisalabi, "Wiyagaa' wiyyagaa'ne kaala'ne sabwi kininnigeine, 'tipiga!'" tena yinggidawasimaaba.

Godiyai

Mudi'na Yamaaja 1:1 Kunegaa' Godiyai mwaryaa'. Sinyamwinyagaa' wiya wagyaa'.
 Soni 1:18 - Godiyari a'mwe Kwaaga tabagiyaina wangandaanyarina mi'.
 1 Soni 4:12 - Godiyari tinya wangandei a'mwei aane pwai kwai mi'.
 Ayagi Maaryabi 33:20 Godiyai wida' "Nimire sinya' tinya manyangandinneiginyira."
 (Baaruya Yabandaigasamaata 33:20)
 Soni 17:3 - Godiyai nebulyalyira, Nawi'nya kambelyira.

Godiyai A'mweimbi' (*simunnagei, kare wiandebulyiyai, yabwitei*)
 Seramaayai 10:10 Naangei Godiya nebulyalyi. Sagwai Godiyai mwaaindelyi.
 Apojeliyara 14:15 Godiya nebulyai wiyagaa' wiyagaa' mwaaindelyi.
 1 Tejalonaaiga 1:9 Godiya nebulyai wiyagaa' kaala mwaaindei.
 Yiredaaja 94:11 Naangei wiyainaabire simunyangi mena wanganigelyi.

Godiyai Kuryalyi (*kilaaga maayai*)
 Soni 4:24 Godiyai Kuryalyi. A'mwei migo.
 1 Timoti 1:17 Kingiyai wiyagasa maremwaaindelyi. Sagwai wiyagaa'nei mabalyandelyi.
 Sagwari tinya mwanganyanyaalyi. Sagwai kambe pwainanyai Godiyalyi.
 1 Timoti 6:16 Mabaryi yi'ne aaya kaabilyai kambelyi. Sagwai paaga naangeba mwaari'.
 Sagwari wangandei a'mwe aane pwai kwai mi'.

Godiyai kambelyi
 Pigasaarine Kimwinya 6:4 Naangei nemire Godiyai Naanga kambelyi.
 Aajaayai 44:6 Sinyamwinyainyi. Aaya tibineinyi. Nimi Godiya kambeinyi. Pwai aawano.